

Mahathir kecam negara2 kaya

UM - 1 OCT 1982

Laporan Mahmood Hassan

NEW YORK 30 Sept. — Datuk Sri Dr. Mahathir Mohamad mengcam negara-negara kaya kerana menjadikan pasaran-pasaran barangan yang berpusat di Barat sebagai 'kelab-kelab eksklusif' mereka sehingga negara-negara pengeluar menderita akibat kejatuhan teruk harga barangan eksport mereka.

Perdana Menteri menarik perhatian: Negara-negara pengeluar tidak dibenar menjadi ahli pasaran-pasaran ini dan broker-broker yang sama di dalam pasaran itu yang membuat peraturan, melaksanakannya dan kemudian mereka juga menjadi orang tengah.

"Tidak hairan apabila keuntungan mereka terancam mereka ubah peraturan yang ada supaya bukan saja dapat menyelamatkan diri mereka bahkan membolehkan mereka mengaut keuntungan besar", ujarinya dalam ucapan sulung di Perhimpunan Agung Ke-37 Bangsa-Bangsa Bersatu, di sini semalam.

Datuk Sri Dr. Mahathir menarik perhatian: Harga barangan sekarang berada di peringkat paling rendah sehingga negara-negara pengeluarnya, khususnya yang miskin, 'terpaksa menggadai maruah untuk hidup'.

Menurutnya, Malaysia juga menerima kesan tindakan manipulasi pasaran sehingga barangan utama negara iaitu bijih timah dan getah mengalami

Mereka jadikan pusat barangan kelab eksklusif

kejatuhan harga yang teruk.

Sebagai sebuah negara, kami patuh pada peraturan yang ditetapkan dalam hubungan ekonomi antara negara-negara.

Kami juga telah menahan diri dari bertindak memiliknegerakan industri-industri yang dibina semasa zaman penjajahan, yang terlibat dalam kegiatan mengeluarkan kekayaan dari negara kami untuk orang-orang asing yang sering tidak tahu di mana letaknya Malaysia, apatah lagi memikirkan tentang kepentingan rakyatnya.

Tetapi kesabaran dan kejujuran kami telah diambil kesempatan dengan tindakan manipulasi pasaran di luar negeri sehingga mengakibatkan rakyat kami menjadi buruh-buruh yang tidak dapat gaji yang setimpal dengan kerja.

"Sebagai pengeluar barangan-barangan utama seperti bijih timah, getah dan kelapa sawit kami berhak mendapatkan harga yang adil seperti juga yang dinikmati oleh sebarang pengeluar barangan perkilangan negara-negara maju," tegasnya.